

Ka jingkyrmen hapoh bad shabar ka aiom.

Ka khubor na ka bynta 2021

Ka jinglongbriew manbriew ka long ba lah ban iaid shakhmat namar bun ki riw kynthei bad riw rangbah kiba aiti ialade khlem khein ia ka dor, ki jingeh bad ki jingartatien kiba wan hakhmat jong ki.

Hapdeng kine ki khyndiat bnai kiba la leit, bun ki samla ki la pyni iangi ia ki jingkluslai na ka bynta ka lawei: ka jingkyrmen kaba kumno ka lah ban lam lynti iangi; haei ngi lah ban shaniah haba baroh tang ki jingbym tikna suda. Shuh shuh haba ngam jylliew, kaei ka thong kaba shongdor ban ai jingim? Don ki sur kiba kren: Ngi dei ban ialeh pyrshah ia kine ki jingpynshaiong bad thong sha ki dak ki shin kiba ai jingkyrmen.

Kum kawei ka bynta jong kane ka khubor na ka bynta 2021, ngi khot sngewbha ia ki khyannah samla naduh khatsan (15) snem haduh laiphew san (35) snem ban pyni bad ki nuksa halor ka jingshem jong ki hapdeng kine haneng. Kaei ka jingsdang ne ki briew kiba ai jingkyrmen na ka bynta jong nga? Hadien katto katne bnai, kine ki jubab yn sa lah ban pyni ha ki rukom kum: jingthoh, video, podcasts.... Thoh sha ngi ha ka email kumne: solidarity@taize.fr.

Shahshkor ia ki dak ka jingkyrmen

Ha kine ki por mynta ba ktah kane ka jingpang baroh kawei ka pyrthei, ngi sakhi ka jingkieu ka nemsniew bad jingi ma ba bun jait ha kylleng ka pyrthei. Ki nongialam kiba lah ban shim ka rai ka long kaba donkam, tangba ka jingiatylli bad ka jingiatreilang kaba ngi lah ban shim bynta ka long ka bym lah ban mih bujli da kumwei pat. Bun ki briew ki kloj ban iarap bad shakri ia kiwei. Ka jingsbun jongki ka pynkynmaw iangi baka **jingiarap lang** ka plié ka lad iangi sha ka lawei ban wan.

Bad shibun ki khyannah samla ki aiti ia la ka bor ban **iada ia ka iing ka sem jong baroh lang (ka mei mariang [mother earth])**, ka pyrthei! Ki jingsdang ki lah mih bha kylleng sawdong: khlem da ioh lut ia ki jubab iaka jingkylla kynsan kynsan jong ka mariang, ki shah iangi mynta ban iaid shakhmat ka jingim kaba kham burom iaka mariang. Na ka bynta kito kiba ngeit , ka mariang ka dei ka jingai sngewbha u Blei ha ngi ba ngin sumar sukher iaka.

Ki briew ki lah kham sngewthuh bha shaphang ka jingniew shiliang khmat, kaba bunsien ka hiar pateng naduh mynhyndai. Sngewsih ban ong ba ia ka bor khlem pymdonkam bha ban leh bha ia baroh. Hapdeng kine, ka jinglamwir bad jingbitar ka iaid shoh tylliep ia baroh. Mano ban nud ban **sdang pyni iaka jingbishar hok bad jingsuk** hapdeng kine ki bor pyniakhlad iaka imlang sahleng kumne?

Ha ka jingialeh pyrshah iaka jingkylla ka mariang bad ban pynduna ka jingmih ka lyer sniew (carbon), ngi lah ne em ban pyntreikam ia ki rukom im jongngi ban pynkylla sha ka jingbha?

Ki kynhun lang Kristan ki pyrshang ban leh ia kane: ki nongialam niam bapher bapher ki lah sdang ia kane, kum ka jingtrei jongka “Green Church”, kaba paw ha kylleng ki ri ka pyrthei.

Ka lah don lypa ha u snem 1989, ki Balang Khristan jong ka ri Sepngi (Europe) ba iakynduh lang ha Basel ka khot ia baroh ban “ialeh ban im ka jingim ba iatrei lang bad ka mariang katba lah ei,

: kaba mut , napdeng kiei kiei baroh, pynduna ka jingpyndonkam iaka bor ding, pyndonkam ki kali paidbah bad pynduna ki jingpynsep ei baroh..

Ha Taize, ngi iai bteng ia ki jingpyntreikam ia kine ki jingkylla ka mariang. Ki ban iarap iangi ha kane, baroh ki jingai jingmut la pdiang hangne..(www.taize.fr/eco).

Im lang kum shi hymmen shipara

Hoooid, hapdeng ka jingeh jong ka juk mynta, ngi lah iai kyrmen, hapdeng kine ki lad duh jingkyrmen bad hateng hateng ngi kyrmen ia kaba pyrshang iaka jingkyrmen. Na ka bynta kane ngi donkam ban wan lang bad baroh kiba lah wanrah ia ki jingkylla – bad ki khristan na kiwei pat ki kynhun, bad ki riewngeit jong kiwei pat ki jingngeit, bad ki briew ki bym ngeit Blei ruh de kiba don jingthmu ha kaban ia long kawei bad iasam lem ia ki jingtip baroh.

Ka jingkmn kan pynthymmai da kaba ngi ia im lang kum shihymmen shipara, lada ngi iaisah lang bad kito kiba lah shah iehbein: ki bym don iing don sem, ki riew tymmen ki kro, kiba pang ba shitom, ba long marwei, ki khynnah ba im ha ka jingjynjar, ki briew ba don jingduna ha ki dkhot met, kiba briew ba iaid wir ban wad iaka lad ban im.....ki jingjia ha ka jingim jongngi ki lah ban pynlong iangi kiba shah ktah ha kine ki jingeh babun. Kane ka jingpang ba ktah ia ka pyrthei baroh kawei ka shem iaka jingtlot jong ka longbriew manbriew.

Ngi dondam iwei ia iwei pat kham bun shah ha kine ki por. U Kpa bakhuid Pope Francis u pynkynmaw iangi ha ka shithi jongu *Fratelli tutti*: “Ym don uba lait im marwei”. U iai bteng, ba ngim lah ban shem ia ka jinglong briew jongngi “khlem long kiba plié lad ialade sha ka pyrthei, khlem da sngew iaka jingeh kiba jia ha kiwei ki jaka, khlem da long kiba pdiang iaka riti dustur jong kiwei, bad khlem ka jingiatylli bad jingsngewlem ia ki jingjia ba sngewsih ba ktah ia kiwei pat ki briew” (#32 and #146).

Ha ka jingiadei hapdeng iwei pa iwei pat ki briew, to ngin ia iaid shaphrang naka jingiakhun sha ka jingiatreilang. To ngin ia treilang bad ki kynhun ba ialeh ban iatylli lang, ha shnong ha thaw, ha ka ri bad kumjuh ha ka pyrthei shityllup.

Ka jingngeit – Shaniah ha ka bor ba shalyndet

Ha Taize, ngi iohi ba ki khynnah samla ki pynleit jingmut ha ka rukom ba thymmai shaphang ka jingngeit ha u Blei ban iaid ha ka lynti ba dei. Ka mut aiu ban ngeit? Lada u Blei u don, une u Blei u treikam ha ka jingim jongngi?

Ha kaba pynleit jingmut shaphang kine ki jingkylli, ka long kaba donkam ban ialeh ban kiar na ka rukom pyrkhath brierw halor ka jingtip jongngi shaphang u Blei. U Blei u long uba khraw tam kham khraw jingpyrkhath brierw jong ngi. Ngi dei ki nong iai wad kiba thrang iaka jingieid bad ka jingshisha. Haei haei ba ngi don ha kane ka jingiaid lynti jongngi, baroh ngi sngew bunsien ba ngi tur shakhmat. Tangba, kum ki nongiaid “pilgrim haka jingshaniah”, ngi lah ban ia id ryngkat ryngkat ban iasam lang iaka jingthrang – ka jingkylli bad ruh ia ki jingngeit jong ngi.

“Ka jingngeit ka dei shibynta ka jingshaniah tylli tyllong jongngi ha u Blei, ka jingiatu shaphrang iaka jingshaniah ba iai ban shihajar sien ha ka jingim jong ngi..... wat la hapdeng jongngi dang don ka jingartatien” ong u Brother Roger.

Kam dei mo, ban ngeit ka mut nyngkong eh ba ngi shaniah ha ka kynja bor shalyndet kaba long ka tynrai jong ka jinglong brierw ha satlak ka pyrthei, por kaba eh ban shemphang pynban ka long kaba shisha? Ka kynja bor kabym pynlong ialade, hynrei kaba ngi lah ban pdiang thymmai ha baroh ki bynta, ha ka jingjarjar, kum ka jingring bad jingpynhiar mynsiem. Ka kynja bor ba pdiang ia kaei kaba don, wat hapdeng ki jingartatien bad ruh wat lada ngi duna ka jingtip jong ngi shaphang u Blei.

Ka jingshemphang kham bniah iaka jingiar ka ban wan

Ka bor lyndet kaba iai sumar: kaei ka jingshai baka Kospel ka bynshet ha kane ka jingmaia?

U Jisu u ioh bor jingim na kane ka bor ba shalyndet ba mynta haduh kaba kut; u la iaipynleit jingmut ha kane barabor. Ka dei ka jingshai ba kynja mynsiem ha ka jingim jong u, ka jingpysad mynsiem u Blei, ka jingpynshlur u Mynsiem Bakhuid.

Na ka jingjylliew jong ka jingshahshitom bad ka sngewkynjah marwei, ha ka por ba u shah iap halor ka diengphna, haba u l iaka jingbymdon jingmut ia kiei kiei baroh, u kyang shla ia ka jingshah iehbein jong u da kaba lynniar sha u Blei, balei Me iehnoh ianga? Shah shet kylla, shah banbein, shah pynrem ban iap, u Jisu u wanrah jingieid wat hapdeng ka jingdum ba ngiw ngiw. Kata ka jingieid ka lah pyni ba ka kham khlain ban ia ka jingsniew. Ka Maria Makdalena bad ki apostol ki pyniatip ia kata ka bym poi pyrkhath, ka khubor bym lah ban ngeit: U dang im. Ka jingieid Blei ka jop ia ki bor iashun bad ka jingiap.

Bad triang da kane ka khubor, ki kristan banyngkong ki tyllep da ka jingkmn bad ka dei ka dak ba shin ba sakhi ia kata: u Krist u long u ba im ha u Blei. U Krist u pyndap ia ka pyrthei da u Mynsiem Bakhuid bad u don ruh ha uwei pa uwei u bynriew. U Krist u don ha ka jingiatylli ba ki ba duk ban wanrah ha ki ia ka hok; u dei u ba la pyndap main iaka jingtyllun ka por bad jingthaw baroh; yn sa pdiang sngewbha iangi hadien ka jingiap jongngi ha ka jingkmn badap shoin.

Wat hapdeng ka jingia kynad brierw, hapdeng ka jingpynjot ia ka mariang bad ki jingpang, ka jingsngewthuh ba thymmai lah plie lad ia ngi. Ngi lah ne em ban shemphang iaka?

Ka jingkylla haka rukom peit jongngi

Na kane ka phang ba pynpaw da ka jingmihpat u Krist, ka jingshai ka rung ha ka jingim jongngi. Hateng hateng ka pynjah ia syrngiew jong ka jingsheptieng bad ka wanrah iaka umpohliaw jingim ban kyrsoi; namar jongka ka jingkmn bad ka jingiaroh ka bthei shabar.

Na kata ka daw ngi lah ban shemphang ha ka jing jarjar, da ka jingkhring ba maian. U Krist u iai lum lang iangi baroh shityllup ka pyrthei haduh kaba kut da ka jingieid Blei. Bad u pynlong paralok iangi ha ka jingthmu jong U.

U Krist u pynlong paralok iangi baroh, kum ka Balang. Kane ka donkam iangi ban long kiba kloi ban pdiang ia baroh. U Krist u hikai iangi ban ieid iaki nongshun; ka jingsuk jongu ka pyniasuk wat ia ki ri kiba ia pyrshah.

Ha kine ki sngi jongka jingialeh pyrshah ia une u khniang jingpang, ka Balang ka lah ban nang iai pynkiew iaka jingialong shipara ha ki jaitbynriew baroh,. Kine harum ki long katto katne ki jingai jingmut:

- Ban pynlong iaka imlang sahleng kaba tip briew, ngi donkam ban shahshkor iwei ia iwei pat ha ka rukom ban weng noh ia ka jingiashun bad hikai ia ngi ban iaaid ryngkat ryngkat wat ha ka jingiapher babun jait. Ka Balang ka khot ba ngin wad iaka jingiakren, ban mih ban ia shem bad kiwei. Ki lah mo kito kiba im khlem da pyniapher bad kino kino ki kynhun Kristan ban wanlam hapoh ka jingiakren sngewthuh bad ka?
- Da kaba iashem bad kito kiba iaaid wir bad ki bym don iing don sem, pdiang sngewbha ia uno uno u briew ba lah shah ieh marwei ha ka iing ka sem kan wanrah ka jingbha ia ki parish lane ki kynhun bapher bapher. Ki briew kibym dei kiba juh leit iingmane ki bunsien ki kloi ban iashim bynta ha kine ki jait pdiangburom. Kane ka dei ka jingshem jongngi ha Taize ha kine ki snem ba lah leit, kum ba ngi lah pdiang ia kito ki jait bynriew na kylleng ki ri ka pyrthei bad ki briew na ka bynta ba marjan.
- Ban long ki kynhun ba pdiang sngewbha ka mut ban sngap ia kito kiba lah shah shem sohsat bha. Ha bun ki jaka, ki Balang ki donkam ban pyniaid shaphrang ban iada iaka jingpynkhlain bor jong baroh. Teng teng ka rukom long ka bor ka lah pynlong ia ki hapoh kiba jynjar ha ka liang ka met bad ka mynsiem.ha Taize ruh ngi dang iai bteng ia ki kam ha ka jingshisha ha kane ka bynta..www.taize.fr/protection).

To u Krist yn pynkylla ia rukom peit jongngi: lyngba jong u ngin ithuh kham bniah iaka dor jongka jinglong briew bad ki jingitynnad jongki jingthaw baroh. Jngai na ka jingshaniah kaba lui lui, jingkyrmen kan wan biang , namar lah pynshong nongrim ha u Krist. Ka jinglong kmen kan pyndap iangi bad bad ka jingshlur ban shimti iaka jingkitkhlieh kaba u Blei u lah bynshet hangi ha kane ka pyrthei.

Bad baroh maphi kiba kwah ban puson ia kane ka khubor, ngan don ryngkat bad phi ka ki jingduwai.

Jisu Khrist , ngi iaroh ia Me na ka bynta ka jingbha bad ka jingsngewrit jong me. Lyngba ka jinglehrit jongme ka jingshai u Blei ka thaba iaka jingim baroh. Kane ka jingshai ka thaba ha ka dohnud jongngi. Ka lah ban pynkoit ia ki jingmong bad ruh ban pynkylla ia ki jingduna bad jingsngew artatien sha ka umpohliw jingim, sha ka bor ba pynkylla, sha ka jingaiei jong ka jingshaniah. Da ka jingthaba ka jingshai u Blei ha ngi, Me pynlong iangi ban kyrmen ha ki aiom bad shabar ka aiom.

Katto katne ki jingthoh na ka Baibyl...

Ban iaiaid shakhmat ha ka jingiaphylliew jingmut

Ka Maria ka rwai da kine ki ktien: “u Blei u lah pynhiar khet ia ki bakhrav bor bad u la kyntiew ia ki barit.{...} U lah phah noh thylli ia kiba riwspah. (pule Lukas 1:46-56)

Ka Maria, ka kmie u Jisu, ka lah ban pyniatylli iaka jingieid bad jingjemnud da ka jingkyrmen hapdeng bun ki jingkylla.

U Jisu u ong: “Ki nongiarap, kiba u Kpa yn phah ha ka kyrteng jongnga, yn hikai iaphi bun kiei kiei bad yn pynkynmaw iaphi ia baroh kiba nga lah ong haphi” (pule Ioanis 14:15-31)

U Jisu u khlem ieh iangi marwei. Shwa ba yn iap, u lah kular ha ki nongbud jongu iaka jingdon ryngkat jongu barabor, lyngba u Mynsiem Bakhuid. U Mynsiem u im hapoh jongngi, u pyntngen iangi, u pynkhlain bad kyrshan iangi ban im kum ki nongbud u Jisu Khrist, na kawei ka sngi sha kawei pat.

To ki Bneng kin kmen, to ka pyrthei kan shadkmen; to ka duriaw kan kyrhuh, bad kiba shong haka baroh. Ai ba ki jaka rep ki shadkmen, bad baroh kiba don haka; ai ba ki dieng ki siej jong ka khlaw rwai da ka jingkmn, ai ba baroh ki jingthaw kin kmen kin risa ha u Trai, naba u wan; u wan ban bishar iaka pyrthei. (pule Psalm 96)

Bun ki jingrwai Psalm ki khot sngewbha iangi ban iaroh ia u Trai. Ym dei tang u briew uba rwai iaroh ia u Blei; baroh ki jingthaw ki shim bynta lang haka ba iaroh ia u Blei. Ngim kwah tang ban iada ia ki jingthaw namar ngi donkam iaki ban ngin im, hynrei namar ngi dei shibynta jongki bad namar maki pat ki dei ki jingthaw jong u Blei hi.

Ka jingiaid pilkrim jong ka jingshaniah ha u 2021

Ka jingiaid pilkrim jong ka jingshaniah kan iaibteng. Ka jingjia bamyntha ka bym lah shaniah ka ialam iangi ban wad ia ki lad thymmai ban ioh iaka, kum na ki khubor jingsdang na ki kor pynsngew (online): ka jingshah khang khyrdep ha kipor ba lah dep ka lah pyni katno ka long kaba kordor iangi ban ia don lang bad kiwei lyngba ki kor pynsngew.

Katba kane ka jingshah kthah ha une u khniang ka dang bteng kam tikna lada kine ki jingiakynduh lang kin long kumba lah buh, hynrei ngi kyrmen ban pynlong ia kine ki jingiaid pilkrim jongka jingshaniah ha u 2021:

- Ki jingiakynduh kaba man ka taiew ha Taize baroh shi snem bad lada kane ka khlam kan ailad kan long kumba juh long
- Ka jingiakynduh lyngba ki kor pynsgew (online) na Taize bad na kylleng ki dewlynnong jongka pyrthei kaba ki brother ki sah.
- Ki sngi ba khatduh jongka taiew ka jingiakynduh hapdeng ki samla Muslim bad Khristan, naduh 14 haduh 18 u Naitung (July) 2021.
- Ka taiew jong ka jingpuson naka bynta 18-35 snem ka rta, naduh Nailar (August) 22 haduh 29, 2021.
- Ka jingiakynduh lang ha Ri Sepngi (European Meeting) ha Turin, kan long naduh Nohprah 28, 2021 haduh Kyllalyngkot 1,2022.

Khatduh khatwai, ha ka 2022 ngi kyrmen ban ioh ban leit ia id pilkrim jong ka jingshaniah sha ka Ri bakhuid bakyntang (Holy Land) kumba lah pynbna ha u 2021 . Iaki tarik yn sa pynbna shen.